

Office of the College Inspector
Chittagong Medical University
BITID Building, Fouzderhat
Chittagong-4316, Bangladesh
Phone:01844-216314
Email:inspection.cmu2016@gmail.com
web-site: www.cmu.edu.bd

“শিক্ষা নিয়ে গড়ব দেশ
শেখ হাসিনার বাংলাদেশ”



কলেজ পরিদর্শক দপ্তর
চট্টগ্রাম মেডিকেল বিশ্ববিদ্যালয়
বিআইটিআইডি ভবন, ফৌজদারহাট
চট্টগ্রাম-৪৩১৬, বাংলাদেশ
মোবাইল: 01844-216314
ইমেইল:inspection.cmu2016@gmail.com
ওয়েব-সাইট: www.cmu.edu.bd

স্মারক নং-চমেবি/ক:প:/অধি:/নবায়ন/২০২৪/ ৪৬০

২৩ বৈশাখ, ১৪৩১ বঙ্গাব্দ
তারিখ: -----
০৬ মে, ২০২৪ খ্রিষ্টাব্দ

অধ্যক্ষ
ইন্সট্রাক্টর মেডিকেল কলেজ
কাবিলা, বুড়িচং, কুমিল্লা।

জনাব,
চট্টগ্রাম মেডিকেল বিশ্ববিদ্যালয় আইন ২০১৬ অনুযায়ী এবং পরিদর্শন কমিটির সুপারিশের ভিত্তিতে আপনার কলেজের ২০২৩-২০২৪ শিক্ষাবর্ষের অধিভুক্তি নবায়নসহ স্বাস্থ্য ও পরিবার কল্যাণ মন্ত্রণালয় কর্তৃক অনুমোদিত ১ম পেশাগত এমবিবিএস কোর্সে ১১৫ (একশত পনের) টি আসনে ছাত্র/ছাত্রী ভর্তির অনুমতি প্রদান করা হলো। তবে মেডিকেল শিক্ষার গুণগত মান বজায় রাখার স্বার্থে আগামী ৬ (ছয়) মাসের মধ্যে কলেজ কর্তৃপক্ষকে নিম্নলিখিত শর্তসমূহ পূরণ করে নির্দিষ্ট সময়ের মধ্যে বিশ্ববিদ্যালয়কে জানাতে হবে।

শর্তাবলীঃ

- ১। কোনক্রমেই অনুমোদিত আসনের অতিরিক্ত ছাত্র-ছাত্রী ভর্তি করা যাবে না। উল্লেখ্য যে, বেসরকারী মেডিকেল কলেজ ও ডেন্টাল কলেজ আইন-২০২২ অনুযায়ী অনুমোদিত আসনের শতকরা ৫ (পাঁচ) শতাংশ আসনে মেধাবী ও অদ্বন্দ্ব ছাত্রছাত্রীকে সরকারী মেডিকেল কলেজের অনুরূপ খরচে অধ্যয়নের সুযোগ নিশ্চিত করতে হবে।
- ২। কলেজটি চট্টগ্রাম মেডিকেল বিশ্ববিদ্যালয় আইন-২০১৬, বাংলাদেশ মেডিকেল এন্ড ডেন্টাল কাউন্সিল আইন-২০১০ এবং বেসরকারী মেডিকেল কলেজ ও ডেন্টাল কলেজ আইন-২০২২ অনুযায়ী পরিচালনা করতে হবে।
- ৩। শিক্ষার্থীর ভর্তি প্রক্রিয়া ভর্তি কমিটির মাধ্যমে সম্পন্ন করতে হবে। ভর্তি প্রক্রিয়া সম্পন্ন হওয়ার পর পূর্ণাঙ্গ ভর্তি কমিটির সদস্যদের স্বাক্ষরসহ শিক্ষার্থী ভর্তি পূর্ণাঙ্গ তালিকা বিশ্ববিদ্যালয় এবং স্বাস্থ্য শিক্ষা অধিদপ্তরে (DGME) প্রেরণ করতে হবে। পূর্ণাঙ্গ ভর্তি কমিটির সদস্যদের স্বাক্ষরবিহীন কোনো তালিকা বিশ্ববিদ্যালয়ে প্রেরণ করলে উক্ত তালিকা গ্রহণ করা হবে না এবং বিশ্ববিদ্যালয় হতে রেজিস্ট্রেশন প্রদান করা হবে না।
- ৪। বিএমএন্ডডিসি কর্তৃক প্রণীত মেডিকেল/ডেন্টাল কলেজে এমবিবিএস/বিডিএস কোর্সে শিক্ষার্থী ভর্তি নীতিমালা-২০২৪ এর ধারা ১৪.০ অনুযায়ী মেডিকেল/ডেন্টাল কলেজ/ইউনিট কর্তৃক শিক্ষার্থীদের তথ্য অনলাইন পোর্টালে অন্তর্ভুক্তি সম্পন্ন পরবর্তী ০১ (এক) মাসের মধ্যে বিএমএন্ডডিসির অনলাইন পোর্টালের মাধ্যমে ছাত্রছাত্রীদের রেজিস্ট্রেশন সম্পন্ন করে বিশ্ববিদ্যালয় কর্তৃক নির্ধারিত সময়ের মধ্যে বিশ্ববিদ্যালয়ে ছাত্র-ছাত্রীদের রেজিস্ট্রেশনের জন্য আবেদন করতে হবে।
- ৫। স্বাস্থ্য ও পরিবার কল্যাণ মন্ত্রণালয় এর ২০২৩-২০২৪ শিক্ষাবর্ষে একাডেমিক অনুমোদন থাকতে হবে।
- ৬। বিএমএন্ডডিসির অধিভুক্তি হালনাগাদ, হাসপাতালের নামে লাইসেন্স এবং লাইসেন্স হালনাগাদ থাকতে হবে।
- ৭। বেসরকারী মেডিকেল কলেজ ও ডেন্টাল কলেজ আইন-২০২২ এর ধারা ৬ অনুযায়ী মেডিকেল কলেজের নামে নিরঙ্কুশ, নিষ্কটক, অখণ্ড ও দায়মুক্ত নিজস্ব জমি থাকতে হবে। কোনোক্রমেই মেডিকেল কলেজ ও হাসপাতাল ইজারাকৃত বা ভাড়া জমিতে বা ভবনে স্থাপন করা যাইবে না।
- ৮। বিএমএন্ডডিসি কর্তৃক প্রণীত Bachelor of Medicine & Bachelor of Surgery (MBBS), Curriculum in Bangladesh-Update 2021 অনুযায়ী curriculum নির্দেশিত বিষয়সমূহে প্রয়োজনীয় শিক্ষক নিয়োগ দিতে হবে।
- ৯। বিএমএন্ডডিসির “Criteria and Standard of Bangladesh Medical & Dental Council for Recognizing Medical Colleges-2009” নীতিমালা অনুযায়ী আনুপাতিক হারে প্রতিটি বিষয়ের পর্যাপ্ত শিক্ষক, ক্লাস রুম, টিউটোরিয়াল রুম, ল্যাব, শিক্ষক ও ছাত্র-ছাত্রীদের জন্য আলাদা আবাসিক ব্যবস্থা, ছাত্র-ছাত্রীদের জন্য কমন রুম ও শিক্ষক কমন রুম, অডিটোরিয়াম, পরীক্ষা গ্রহণের জন্য আলাদা রুম এবং শিক্ষকদের জন্য আলাদা রুম এবং অন্যান্য সুযোগ-সুবিধা থাকতে হবে।
- ১০। কলেজের একাডেমিক এবং প্রশাসনিক কাজ সুষ্ঠু এবং সুশৃঙ্খলভাবে পরিচালনার স্বার্থে চট্টগ্রাম মেডিকেল বিশ্ববিদ্যালয়ের সিন্ডিকেট কর্তৃক অনুমোদিত কাঠামো অনুযায়ী গঠিত নিয়োগ কমিটি দ্বারা নিয়মিত অধ্যক্ষ; উপাধ্যক্ষ ও অন্যান্য শিক্ষক নিয়োগ করতে হবে। কমিটি বিএমএন্ডডিসি ও বিশ্ববিদ্যালয়ের নীতিমালা অনুযায়ী সাক্ষাতকারের মাধ্যমে অধ্যক্ষ, উপাধ্যক্ষ ও অন্যান্য শিক্ষক নিয়োগের জন্য সুপারিশ করবেন এবং সেই অনুযায়ী পরিচালনা পর্ষদ অনুমোদন দিবেন।
- ১১। অধ্যক্ষ, উপাধ্যক্ষ ও অন্যান্য শিক্ষক নিয়োগের জন্য কমপক্ষে ২ (দুই) টি জাতীয় পত্রিকায় বিজ্ঞাপন দিতে হবে এবং বিজ্ঞাপন অনুযায়ী সকল প্রার্থীকে আবেদন করতে হবে।
- ১২। (ক) বেসরকারী মেডিকেল কলেজ ও ডেন্টাল কলেজ আইন-২০২২ এর ধারা ১৮ অনুযায়ী গঠিত পরিচালনা পর্ষদের বছরে যৌক্তিক বিরতিতে (প্রতি মাসে অন্তর ১টি) কমপক্ষে ৪ (চার) টি সভা অনুষ্ঠিত হতে হবে। পরিচালনা পর্ষদের সদস্য সচিব চেয়ারম্যান মহোদয়ের সম্মতিক্রমে সভার দিনক্ষণ নির্ধারণ করে কমপক্ষে ১ (এক) টি সপ্তাহ পূর্বে সভার নোটিশ সম্মানিত সদস্যদের কাছে প্রেরণ করবেন।

(খ) এছাড়াও প্রয়োজনবোধে পরিচালনা পর্ষদে বিশেষ সভা অথবা জরুরী সভা করা যাবে। বিশেষ সভার নোটিশ কমপক্ষে ৩ (তিন) দিন পূর্বে এবং জরুরী সভার নোটিশ কমপক্ষে ২৪ ঘন্টা পূর্বে সম্মনিত সদস্যদের জানাতে হবে।

(গ) পরিচালনা পর্ষদের সভার রেজুলেশন সভা হওয়ার ৭ (সাত) কার্যদিবসের মধ্যে চট্টগ্রাম মেডিকেল বিশ্ববিদ্যালয়ের উপাচার্য মহোদয়ের দপ্তরে প্রেরণ করতে হবে।

- ১৩। লাইব্রেরিতে জাতির জনক বঙ্গবন্ধু শেখ মুজিবুর রহমান ও বঙ্গবন্ধু কর্ণার অবশ্যই থাকতে হবে এবং এই সম্পর্কিত পর্যাপ্ত বইয়ের সংখ্যা বৃদ্ধি থাকতে হবে। ঐ কর্ণারে শিক্ষক ও শিক্ষার্থীদের পড়ার জন্য প্রয়োজনীয় আসন ব্যবস্থা থাকতে হবে।
- ১৪। কলেজের সংরক্ষিত তহবিলে কমপক্ষে ১,১৫,০০,০০০/- (এক কোটি পনের লক্ষ) টাকা থাকতে হবে। সংশ্লিষ্ট ব্যাংকের নিকট থেকে হালনাগাদ এ মর্মে সার্টিফিকেট দিতে হবে যে, চট্টগ্রাম মেডিকেল বিশ্ববিদ্যালয়ের অনুমোদিত পরিচালনা পর্ষদের পূর্বানুমতি ব্যতীত এই তহবিলের মূল অর্থ উত্তোলন করা বা ভাঙানো যাবে না। তবে উক্ত টাকার লভ্যাংশ পরিচালনা পর্ষদের পূর্বানুমোদনক্রমে কলেজের উন্নয়নের নিমিত্তে ব্যবহার করা যাবে।
- ১৫। কলেজটি কোনক্রমেই লাভজনক প্রতিষ্ঠান হিসাবে বিবেচনা করা যাবে না। কলেজের যাবতীয় আয়-ব্যয় কলেজের নামে পৃথক ব্যাংক হিসাবের মাধ্যমে পরিচালনা করতে হবে। পরিচালনা পর্ষদের চেয়ারম্যান ও অধ্যক্ষের যৌথ স্বাক্ষরে উক্ত ব্যাংক হিসাব পরিচালিত হবে।
- ১৬। কলেজের স্নাতকোত্তর ডিগ্রিপ্রাপ্ত শিক্ষকের সংকট নিরসনের লক্ষ্যে নবীন শিক্ষকদের উচ্চতর ডিগ্রী অর্জনের সহায়তা দানের ব্যবস্থা হিসেবে তাদেরকে শিক্ষা ছুটি প্রদানের ব্যবস্থা থাকতে হবে।
- ১৭। কলেজ গ্রন্থাগারে প্রতিটি বিষয়ের সর্বশেষ সংস্করণের মানসম্পন্ন পাঠ্যপুস্তক এবং ছাত্র-ছাত্রীদের সৃজনশীল মানসিক বিকাশ ও দেশাত্মবোধ জাগরণের নিমিত্তে অন্যান্য সহায়ক পুস্তক থাকতে হবে। নিরবিচ্ছিন্ন ইন্টারনেট সংযোগের ব্যবস্থা করতে হবে। গ্রন্থাগারে চিকিৎসা বিষয়ক কমপক্ষে ৩ (তিন) টি আন্তর্জাতিক মানের জার্নাল নিয়মিতভাবে সংগ্রহ করতে হবে। শিক্ষকদের জন্য গ্রন্থাগারের সুবিধা নিশ্চিত করতে হবে এবং লাইব্রেরিতে রেফারেন্স বইয়ের সংখ্যা আরও বৃদ্ধি করতে হবে।
- ১৮। বেসরকারী মেডিকেল কলেজ ও ডেন্টাল কলেজ আইন-২০২২ এবং কিএমএভিসির নীতিমালা অনুযায়ী পর্যাপ্ত বেডঅকুপেন্সি থাকতে হবে।
- ১৯। পরিচালনা পর্ষদ কর্তৃক একটি Finance Committee গঠন করতে হবে এবং উক্ত কমিটির মাধ্যমে কলেজের আয়-ব্যয়ের বার্ষিক বিবরণী পরিচালনা পর্ষদের সভায় পেশ করতে হবে। এছাড়াও পরিচালনা পর্ষদ কর্তৃক অনুমোদিত Audit Firm এর মাধ্যমে প্রতি বছর Audit করতে হবে এবং তা পরিচালনা পর্ষদে পেশ করতে হবে।
- ২০। সার্ভিস রুল ও অর্গানোগ্রাম প্রণয়ন করতে হবে।
- ২১। Curriculum অনুযায়ী শিক্ষার্থীদের Clinical bed-side teaching-learning এর জন্য হাসপাতালে পর্যাপ্ত ব্যবস্থা থাকতে হবে।
- ২২। উপরে বর্ণিত শর্তসমূহের পূরণের প্রতিবেদন আগামী ৬ (ছয়) মাসের মধ্যে বিশ্ববিদ্যালয় কর্তৃপক্ষকে অবহিত করতে হবে এবং কলেজের ২০২৪-২০২৫ শিক্ষাবর্ষের অধিভুক্তি নবায়নের জন্য নির্ধারিত ফি সহ শিক্ষাবর্ষ শুরু করার কমপক্ষে ৩ (তিন) মাস পূর্বে আবেদন করতে হবে। বিশ্ববিদ্যালয়ের পূর্বানুমতি ব্যতীত ২০২৪-২০২৫ শিক্ষাবর্ষে কোন ছাত্র-ছাত্রী ভর্তি করা যাবে না।

মাননীয় ভাইস-চ্যান্সেলরের অনুমোদনক্রমে,

ডা. আইরিন সুলতানা

উপ কলেজ পরিদর্শক

চট্টগ্রাম মেডিকেল বিশ্ববিদ্যালয়

১১/০৬/২৪
০৬/৫/২৪

২৩ বৈশাখ, ১৪৩১ বঙ্গাব্দ

তারিখ: -----

০৬ মে, ২০২৪ খ্রিষ্টাব্দ

স্মারক নং-চমেবি/ক:প:/অধি:/নবায়ন/২০২৪/ ৪৬৩ (৭)

অবগতি ও প্রয়োজনীয় ব্যবস্থা গ্রহণের জন্য অনুলিপি দেয়া হলো: (জ্যেষ্ঠতার ক্রমানুসারে নয়)

- ১। যুগ্ম-সচিব, চিকিৎসা শিক্ষা, স্বাস্থ্য শিক্ষা ও পরিবার কল্যাণ বিভাগ, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা।
- ২। পরিচালক, (চিকিৎসা শিক্ষা ও জনশক্তি উন্নয়ন), স্বাস্থ্য অধিদপ্তর, মহাখালী, ঢাকা।
- ৩। রেজিস্টার, বাংলাদেশ মেডিকেল এন্ড ডেন্টাল কাউন্সিল, বিজয় নগর, ঢাকা-১০০০।
- ৪। ডিন, সকল অনুষদ, চট্টগ্রাম মেডিকেল বিশ্ববিদ্যালয়, চট্টগ্রাম।
- ৫। রেজিস্ট্রার দপ্তর (একাডেমিক শাখা), চট্টগ্রাম মেডিকেল বিশ্ববিদ্যালয়, চট্টগ্রাম।
- ৬। পরীক্ষা নিয়ন্ত্রক দপ্তর, চট্টগ্রাম মেডিকেল বিশ্ববিদ্যালয়, চট্টগ্রাম।
- ৭। সহকারি রেজিস্ট্রার ও পিএস টু ভিসি (অ:দা), চট্টগ্রাম মেডিকেল বিশ্ববিদ্যালয়, চট্টগ্রাম। (ভাইস চ্যান্সেলর মহোদয়ের জ্ঞাতার্থে)
- ৮। অফিস নথি।

উপ কলেজ পরিদর্শক

চট্টগ্রাম মেডিকেল বিশ্ববিদ্যালয়

১১/০৬/২৪